



KOMMUNE KUJALLEQ

allattoqarfik@kujalleq.gl

Nanortalik Qaqortoq Narsaq

Uunga/Til:

Aalisarnermut Piniarnermullu Naalackersuisoqarfik

apn@nanoq.gl

cc: jepa@nanoq.gl; thra@nanoq.gl

Nuuk

Journal nr.

Allagaq/brev nr.

Suliarinnittoq
Sullissisoq: Sten Lund

Ulloq/dato: 24. januaari 2024

TUSARNIAANERMUT AKISSUT – HØRINGSSVAR:

Aalisarneq pillugu Inatsisartut inatsisaat – Inatsiartutlov om fiskeri

Matumuuna Kommune Kujallermit aalisarneq pillugu inatsisartut inatsisaanut tusarniaanermut akissut nassiuqqarpoq.

Aallarniutitut oqaaseqaatit: Inatsisissami siunnersuummi aalisartut isertitaqarluarnissaat siunertaqarineqarnera pitsaasuvoq, aammattaaq kalaallit inuiaqatigiit aalisarnermi pisuussutiniq piginnittut sapinngisamik annertunerpaamik akileraaruserneqarnissaat siunertarineqarpoq. Tusarniaanermut tunngavigineqartut attuumassuteqartuupput.

Kommune Kujallermit kinguneqarsinnaasut pillugit siunnersuummut ima oqaaseqaateqartoqarpoq:

§ 9 naapertorlugu Kalaallit Nunaata eqqaani aalisarnermi tamakkiisumik piginnittuusup kalaaliunissaa pillugu piomasagaat aalajangersagaq taanna malillugu inatsisip atuutilerneraniit kingusinnerpaamik ukiut tallimat qaangiunnerini naammassineqarsimassaaq. Siunnersuut nunatsinni aalisarnermik inuussutissarsiuteqartunut imaluunniit suliffeqarfinnik suliffissuaqarnermik inuussutissarsiuteqartunut pingaaruteqartoq.

Oqaaseqaat: Tamanna Kujataani ersarissumik ajornartorsiutaavoq, inatsisissatut siunnersuummut oqaaseqaami eqqaneqarpoq kalaaliunngitsuumik tamakkiisumik piginnittoqartoq. Nanortalip tunisassiorfia illoqarfimmi suliffissaqartitsiniarnerup tungaatigut pingaaruteqarluartuuvuq. Kommune Kujalleq annertuumik aningaasaqarnikkut ajornartorsiulissagaluarpoq tamakkiisumik piginnittuusup kalaaliunissaa pillugu piomasagaat malillugu tunisassiorfik matuneqassagaluaruni. Taama pisoqartillugu Nanortalimmi suliffissatut periarfissanik allanik pilersitsinissaq pingaaruteqarluinnartuussaaq Kujataanilu massakut aalisarnermi suliffeqarfinnit aningaasaleerusunneq ukiorpasuarni kingullerni annikilleqqasimammat, kommunip akileraarutitigut isertitaasa annaaneqannginnissaannik qulakkeerinninnissaq anguniarlugu ersarissumik pilersaaruteqartoqarnissaa pingaaruteqarpoq. Tamaammat kommunip kaammattuutigaa Naalackersuisut Kujataani suliffissaqartitsineri pissutsit mianerissagaat akuersissutiniq/tunniussillutik.

Aammalu malugineqassaaq oqaaseqaatini qupperneq 17-i malillugu:

Kalaallit Nunaat annertuumik aningaasaqarfiumngimmat, aalisarnermi ineriartornermut nutarterinermullu naleqqiullugu, nunap iluani aningaasaliisinnaasut amerlassusaat killeqartussaapput. Tamatumani saniatigut aningaasaatinut periarfissanut killeqartitsineq

naammassisaqarsinnaassutsikkut ineriartormermik unikaallatsitsissaaq peqatigisaanillu aalisartunut inuusuttunut aalisarnermut periarfissaqarnerat ajornarnerulersillugu.

Kiisalu qupp. 26-mi: *Aningaasaatini aningaasartuutit qaffanneri aalisarnerup annertunnginnerusumik aningaasanik pisariaqartitsilerneranik kinguneqarsinnaavoq, tamannalu isumalluutinit iluanaarutit apparnerinik kinguneqarluni tamatumalu malitsigisaanik inuit akileraarutaanniit ingerlatseqatigiiffiillu akileraarutaanniit iluanaarutit apparlutik.*

Oqaaseqaat: Naalackersuisut sinaakkutaliilluartarnissaminnik siuneqartarlutillu qulakkeerinnittartussaapput, tamaalilluni aalisarnerup tungaatigut ineriartortoqarsinnaassaaq kiisalu aningaasat pisariaqartinneqartut piginnittunut tiguneqarsinnaaniassammata. Kommunit ineriartornerat patajaatsuvoq patajaatsumillu akileraarutinit isertitat amerliartorlutik. Tamaammat suliffissuaqarfinnut aningaasalersuinissamut periarfissaqartoqarnissaa kissaatiginarpoq.

Immikkut akuersissuteqarnissamut periarfissat §9-mut siunnersuutigineqartut suliffeqarfiit suliaqarnerminni aningaasanik pissarsisinnaanissaannut naammannersut, Kommuni naliliisinnaangilaq. Tamanna ersarissarneqartariaqarpoq.

Kalaallit 100%-imik piginnittuunissaannik piumasaqaammit allaanerusedumik aaqqiissutissatut, suliffeqarfinnut nunanit allaneersunit pigineqartunut, soorlu akitsuuteqarnikkut imaluunniit soorlu suliffissaqartitseqqusinikkut immikkut piumasaqaateqarsinnaaneq nalilersorneqarsinnaavoq

Pillugu: Suliffissaqartitsiniarnikkut kingunerit pillugit oqaaseqaatit qupp. 27: *Siunissami qaninnerusumi siunnersuut ataatsimut isigalugu sulisoqarnermut kinguneqartitsissasoq naatsorsuutigineqanngilaq. Siunissami ungasinnerusumi ataatsimut isigalugu naatsorsuutigineqarpoq raajarniarnermi, saattuarniarnermi qaleralinniarnermilu sulisut ikilissasut kiisalu nunami suliffissuarni sulisut amerlassusii ikilillutik.*

Oqaaseqaat: Naalackersuisut immikkut suliuniut taanna aalisarnikkut sulisussat inuussutissarsiormermi suliffeqarfinnut allanut nuutinneqartariaqarnerat eqqumaffigissagaat pingaaruteqarpoq. Suliffeqarnermut tunngasuni annertunerusedumik suliniuteqartoqarnissaa annertunerusedumillu kajumissuseqartoqarnissaa pisaqariaqarpoq kiisalu nunanit allanit sulisussanik amerlanerusedumik tikisitsisoqassannginniassammata.

Aalisarnermut siunnersuisoqatigiit katitigaannerannut §54-mut oqaaseqaatit:

Kalaallit Nunaani suliffeqarfiit aalisarnermik ingerlataqartut pillugit, aalisarnermut siunnersuisoqatigiinni pisortat aalisarnerup tungaatigut taamaallaat soqutigisalliinnnginnissaat eqqarsaatigineqartariaqarpoq, kisianni aamma piujuaannartitsinermik attuumassuteqartunillu soqutigisalinnik ilaasortaqlutik.

Kommunimit maluginiarneqarpoq inatsimmut siunnersuut qisuariarfigineqangaatsiartuq, ilaatigut inu-iannaat oqartussaaqataanerisa oqallinnerannut naleqqutinngitsumik. Tamanna aallaaveqarsimasin-

naavoq, inatsimmut siunnersuut naamaginantumik inuiaqatigiinnut, aalisarnermut inuussutissarsiuteqartut ilanngullugit nalunaarutigineqarsimannginneranik.

Inatsisissap inuiaqatigiinnut annertuumik sunniuteqartussaana aallaavigalugu, Aalisarnermut Piniarnermullu Naalakkersuisoq, sinerissami paasisitsiniaanissaminut imminut piffissalertariaqartoq.

Inatsit ataatsimut isugalugu pingaartunik aalisarnermut piniarnermullu inuussutissarsiortunit sukumiisumik paasilluarneqarsimanissaa pingaaruteqartutut isigineqarpoq. Paasilluarneqarsimaneratigut aalisarnermik inuussutissarsiuteqartut Inatsimmut atuutsilersussamut sapinngisamik tamakkiisumik atuutsit-seqataanissaat qulakkeerneqarsinnaammat.

Inussiarnersumik inuulluaqqusillunga
Inussiarnersumik inuulluaqqusillunga / Best regards

Tine Pars
Pisortaaneq
Kommune Kujalleq